

36 A dh'aithn an Tighearn a thoirt dhoibh o chloinn Israeil, 'san là anns an d'ung e iad; le reachd sìorruidh, air feadh an ginealach.

37 Is e so lagh na h-ìobairt-loisgte, an tabhartais-bhìdh, agus na h-ìobairt-pheacaidh, agus na h-ìobairt-eusaontais, agus nan coisreagadh, agus ìobairte nan tabhartas-sìth :

38 A dh'aithn an Tighearna do Mhaois ann an fliabh Shinai, 'san là anns an d'aithn e do chloinn Israeil an tabhartasan a thoirt seachad do'n Tighearn ann am fasach Shinai.

C A I B. VIII.

A GUS labhair an Tighearna re Maois, ag ràdh,

2 Thoir leat Aaron agus a mhic maille ris, agus an truscan^a naomha, agus an oladh-ungaidh, agus tarbh mar an ìobairt-pheacaidh, agus dà reithe, agus bascaid do aran neo-ghoirtichte.

3 Agus cruinnich an coit-thional uile 'an ceann a' chéile gu dorus pàilliuin a' choit-thionail.

4 Agus rinn Maois mar a dh'aithn an Tighearna dha, agus chruinnicheadh an coit-thional r'a chéile gu dorus pàilliuin a' choit-thionail.

5 Agus thubhairt Maois ris a' choit-thional, Is e so an ni a dh'aithn an Tighearn a dheanamh.

6 Agus thug Maois Aaron agus a mhic leis, agus dh'ionnail e iad le h-uifge.

7 Agus chuir e air an còta, agus chrìofraich fe e leis a' chrìos, agus dh'eudaich fe e leis an fhal-

luing, agus chuir e 'n ephod air, agus chrìofraich fe e le crìos rìomhach na h-ephoid, agus cheangail e ris i leis.

8 Agus chuir e 'n uchd-éididh air; agus chuir e anns an uchd-éididh an Urim agus an Tum-mim.

9 Agus chuir e 'n crùn-sagairt air a cheann; mar an ceudna air a' chrùn-sagairt, eadhon air a' chuid beoil deth chuir e 'n leachd òir, an crùn naomha, mar a dh'aithn an Tighearna do Mhaois.

10 Agus ghabh Maois an oladh-ungaidh, agus dh'ung e 'm pàilliuin agus gach ni a bha ann, agus naomhaich e iad.

11 Agus chrath e cuid dhith air an altair seachd uairean, agus dh'ung e 'n altair, agus a foithichean uile, araon^b an foith-each-ionnlaid agus a chas, a chum an naomhachadh.

12 Agus dhòirt e do'n oladh-ungaidh air ceann Aaroin, agus dh'ung fe e, chum a naomhachadh.

13 Agus thug Maois mic Aaroin leis, agus chuir e còtaichean orra, agus chrìofraich e iad le crìosaibh, agus chuir e boireidean orra, mar a dh'aithn an Tighearna do Mhaois.

14 Agus thug e leis an tarbh air son na h-ìobairt-pheacaidh, agus chuir Aaron agus a mhic an làmhan air ceann an tairbh air son na h-ìobairt-pheacaidh.

15 Agus mharbh fe e, agus ghabh Maois an fhuil, agus chuir e i air adhaircibh na h-altarach m'an cuairt le mheur, agus ghlan e 'n altair; agus dhòirt e 'n fhuil aig bun na h-altarach,

^a éididh. ^b an dà chuid. ^c inneir, aolach.